

ხელშეკრულება შესყიდვის შესახებ
№-----

წინამდებარე ხელშეკრულება დაიდო

2018 წლის “_____” “_____”

ქ. თბილისში

საფუძველი: -----

ერთის მხრივ, სს „თელასი“ (შემდგომში - შემსყიდველი), გენერალური დირექტორის სერგეი კობცევის სახით და მეორეს მხრივ, ----- (შემდგომში - მიმწოდებელი), გენერალური დირექტორის ----- --- სახით, ერთად მხარეებად წოდებულნი, ადასტურებენ, რომ მათ შორის მიღწეულია შეთანხმება შემდეგზე:

1. ხელშეკრულების საგანი

1.1 მიმწოდებელი იღებს ვალდებულებას, ხელშეკრულების პირობების შესაბამისად, მიაწოდოს და შემსყიდველს საკუთრებაში გადასცეს საოფისე ავეჯი (სხვადასხვა სახის სკამები) რომელთა რაოდენობა და სახეობები მოცემულია დანართში N1 (შემდგომში - სასაქონლო-მატერიალური ფასეულობები).

1.2 ხელშეკრულების დანართი N1 წარმოადგენს მის განუყოფელ ნაწილს.

2. ხელშეკრულების ფასი

2.1 მთლიანი სახელშეკრულებო თანხა, დანიშნულების ადგილამდე ტრანსპორტირების ხარჯების ჩათვლით, შეადგენს ----- .

2.2 საქონლის ერთეულის ფასი და საერთო თანხა მოცემულია ხელშეკრულების დანართში N1.

2.3 საქონლის ერთეულის ფასის გაზრდა დაუშვებელია.

3. სასაქონლო-მატერიალური ფასეულობების მიღება-ჩაბარება

3.1 წინამდებარე ხელშეკრულებით გათვალისწინებული სასაქონლო-მატერიალური ფასეულობები ან მათი ნაწილი ჩაითვლება მიღებულად მხოლოდ მიმწოდებლის მიერ სასაქონლო-მატერიალური ფასეულობების შემსყიდველისათვის მიწოდებისა და მხარეთა მიერ შესაბამისი მიღება-ჩაბარების აქტის ხელმოწერის შემდეგ.

3.2 სასაქონლო-მატერიალური ფასეულობების მიღების დამადასტურებელ დოკუმენტაციას აფორმებენ მხარეთა სათანადო წესით უფლებამოსილი პირები.

3.3 სასაქონლო-მატერიალური ფასეულობების მიღებისას შემსყიდველი ამოწმებს მათ შესაბამისობას ხელშეკრულების მოთხოვნებთან. სასაქონლო-მატერიალური ფასეულობების მიღების პროცესში და/ან ექსპლუატაციაში შესვლის დროს გამოვლენილი დეფექტების ან ნაკლის აღმოფხვრას მიმწოდებელი უზრუნველყოფს საკუთარი ხარჯებით.

3.4 შემსყიდველისათვის სასაქონლო-მატერიალური ფასეულობების მიწოდების დროს საქონლის ვიზუალური და/ან ტექნიკური შემოწმებისას დანაკლისის, არასრულყოფილი მიწოდების ფაქტის და/ან ექსპლუატაციაში შესვლის დროს გამოვლენილი დეფექტის, ნაკლის ან ხელშეკრულების პირობებთან სხვა შეუსაბამობის აღმოჩენის შემთხვევაში, შემსყიდველი წერილობითი სახით (დასაშვებია ელ.ფოსტის საშუალებით, რომელიც უტოლდება ოფიციალურ შეტყობინებას. შეტყობინების გაგზავნა მოხდება ელ.ფოსტიდან: sheskidvebi@telasi.ge ელ.ფოსტაზე:_____) აცნობებს მიმწოდებელს აღმოჩენილი შეუსაბამობის შესახებ, დაწუნებული სასაქონლო-მატერიალური ფასეულობების რაოდენობისა და წუნდების მიზეზების მითითებით.

3.5 მე-3.4 პუნქტში მოცემული შემთხვევის დადგომისას, მიმწოდებელი ვალდებულია, გონივრულ ვადაში, რომელიც არ შეიძლება იყოს 3 (სამი) კალენდარულ დღეზე მეტი, საკუთარი სახსრებითა და ძალებით განახორციელოს დეფექტის მქონე სასაქონლო-მატერიალური ფასეულობების შეცვლა.

4. სასაქონლო-მატერიალური ფასეულობების მიწოდების ვადები და ადგილი

4.1 სასაქონლო-მატერიალური ფასეულობების მიწოდება განხორციელდება 10 (ათი) სამუშაო დღის ვადაში ელ. ფოსტიდან sheskidvebi@telasi.ge ელ. ფოსტაზე:_____) მიღებული შეტყობინების დღიდან. თუ მიწოდების ვადა ემთხვევა არასამუშაო დღეს, საქონლის მიწოდება უნდა განხორციელდეს არა უგვიანეს მომდევნო სამუშაო დღეს.

4.2 მიმწოდებელი კისრულობს ვალდებულებას, მიაწოდოს სასაქონლო-მატერიალური ფასეულობები - DAP პირობებით, სს “თელასის” ცენტრალურ საწყობში - ქ. თბილისი, ლილო, სადგური #51 (თუ

შემსყიდველი წინასწარ არ მიუთითებს მიმწოდებელს საქონლის მიწოდების რაიმე სხვა ადგილს) „ინკოტერმს“-ის 2010 წლის რედაქციის საერთაშორისო წესების შესაბამისად.

5. მხარეთა უფლება-მოვალეობანი

5.1 მიმწოდებლის უფლებები:

5.1.1 მიმწოდებელი უფლებამოსილია მოითხოვოს შესყიდველისაგან ანაზღაურება წინამდებარე ხელშეკრულებით განსაზღვრული სასაქონლო-მატერიალური ფასეულობების მიწოდებისათვის.

5.2 მიმწოდებლის ვალდებულებები:

5.2.1 მიმწოდებელი ვალდებულია მკაცრად დაიცვას ხელშეკრულებით ნაკისრი ვალდებულებები და მიაწოდოს შემსყიდველს ნივთობრივად და უფლებრივად უნაკლო, ტექნიკური დავალების პარამეტრების, საკონკურსო პირობებისა და წარმოდგენილი სერტიფიკატების შესაბამისი სასაქონლო-მატერიალური ფასეულობები (მწარმოებელი: ----).
-----).

5.2.2. მოთხოვნისთანავე წარუდგინოს შემსყიდველს სასაქონლო-მატერიალურ ფასეულობებთან ან მიმწოდებელ-ორგანიზაციასთან დაკავშირებული დოკუმენტაცია.

5.2.3 სასაქონლო-მატერიალური ფასეულობების მიწოდების რაიმე მიზეზით დაგვიანების ან დაგვიანების საშიშროების არსებობის შემთხვევაში, დაუყოვნებლივ აცნობოს შემსყიდველს აღნიშნულის შესახებ, შესაბამისი არგუმენტების მითითებით.

5.2.4. შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ გადასცეს მესამე პირს წინამდებარე ხელშეკრულებით ნაკისრი ვალდებულებები.

5.2.5. შემსყიდველისათვის მიღება-ჩაბარების აქტის საფუძველზე სასაქონლო-მატერიალური ფასეულობების გადაცემამდე, რისკები სასაქონლო-მატერიალური ფასეულობების მთლიან ან ნაწილობრივ განადგურებაზე ეკუთვნის მიმწოდებელს.

5.2.6 ხელშეკრულების გაფორმებიდან არაუგვიანეს 10 სამუშაო დღისა, მიმწოდებელი ვალდებულია წარმოადგინოს ხელშეკრულების უზრუნველყოფის გარანტია ხელშეკრულების ღირებულების 3%-ის ოდენობით საბანკო გარანტიის სახით, შემსყიდველთან შეთანხმებული, აკრედიტებული ბანკებიდან, ან ამავე მიზნით ჩარიცხოს თანხა, ხელშეკრულების ღირებულების 3%-ის ოდენობით, ლარში, ჩარიცხვის დღეს ბანკში არსებული კურსით, ქვემოთ მითითებულ საბანკო რეკვიზიტებზე. (იმ შემთხვევის გარდა, როდესაც მომწოდებელი აღნიშნულ ვადაში მთლიანად დაასრულებს

ხელშეკრულებით გათვალისწინებული სმფ-ის მოწოდებას) წინააღმდეგ შემთხვევაში შემსყიდველი უფლებამოსილია შეწყვიტოს ხელშეკრულება. ხელშეკრულების გარანტიის მოქმედების ვადა უნდა აღემატებოდეს ხელშეკრულების მოქმედების ვადას მინიმუმ 30 კალენდარული დღით.

5.2.7 მიმწოდებლის მიერ შემსყიდველის სპეციალურ საბანკო ანგარიშზე თანხის ჩარიცხვის შემთხვევაში,

სს »ვითიბი ბანკი ჯორჯია «

SWIFT : UGEBGE22

IBAN : GE05VT6600000063113603

ანგ. მფლობელი : სს »თელასი «

ჩარიცხული ხელშეკრულების უზრუნველყოფის თანხის დაყოვნება ანგარიშზე მოხდება აღნიშნული ხელშეკრულების ვადის ან ხელშეკრულებით განსაზღვრული სმფ-ის მოწოდების ვადას დამატებული 30 სამუშაო დღის განმავლობაში, ხოლო მიმწოდებელს უკან დაუბრუნდება ჩარიცხული თანხის ოდენობით, მომწოდებლის მიერ თანხის წერილობითი მოთხოვნის შემდეგ, 10 სამუშაო დღის განმავლობაში, წერილში მითითებულ საბანკო რეკვიზიტებზე, ან ხელშეკრულებაში მითითებულ საბანკო რეკვიზიტებზე.

5.2.8 შემსყიდველის მიერ მიმწოდებლისათვის თანხის დაბრუნებისას მიმწოდებელმა უნდა გაითვალისწინოს ის გარემოება, რომ დაბრუნებულ თანხას დააკლდება ბანკის გადარიცხვის საკომისიო ან სხვა სახის მომსახურების საფასური.

5.2.9 თანხის ჩარიცხვისას, თანხის დანიშნულებაში მითითებული უნდა იქნას მიმწოდებლის დასახელება, ხელშეკრულების ნომერი და ხელშეკრულების გაფორმების თარიღი.

5.2.10. მიმწოდებლის მესაკუთრეების (ნომინალური მფლობელების), აღნიშნული ბენეფიციარების (მათ შორის საბოლოო ბენეფიციარის) წილების შესახებ ინფორმაციის ცვლილების შემთხვევაში, ასეთი ცვლილების დადგომიდან 5 (ხუთი) კალენდარული დღის ვადაში მიაწოდოს ინფორმაცია შემსყიდველს. მხარეები თანხმდებიან, რომ წინამდებარე პუნქტის ეს დებულება არსებითი ხასიათისაა და ამ პუნქტის მოთხოვნათა შეუსრულებლობის ან არაჯეროვანი შესრულების შემთხვევაში, შემსყიდველი უფლებამოსილია ცალმხრივად მოშალოს წინამდებარე ხელშეკრულება.

5.3 შემსყიდველის უფლებები:

5.3.1. შემსყიდველი უფლებამოსილია მოითხოვოს მიმწოდებლისაგან წინამდებარე ხელშეკრულებით ნაკისრი პირობების განუხრელი შესრულება;

5.3.2. შეამოწმოს მიწოდებული სასაქონლო-მატერიალური ფასეულობები;

5.3.3. მოითხოვოს მიმწოდებლისაგან ყველა საჭირო დოკუმენტაცია;

5.3.4. არ მიიღოს და არ ანაზღაუროს არასრულად წარმოდგენილი, ხელშეკრულების მოთხოვნებთან შეუსაბამო ან დეფექტური სასაქონლო-მატერიალური ფასეულობები, და მოსთხოვოს მიმწოდებელს დეფექტის აღმოფხვრა.

5.3.5. მოითხოვოს მიმწოდებლისგან მიყენებული ზიანის ანაზღაურება (ასეთის არსებობის შემთხვევაში).

5.4 შემსყიდველის ვალდებულებები:

5.4.1 შემსყიდველი ვალდებულია გადაუხადოს მიმწოდებელს ანაზღაურება წინამდებარე ხელშეკრულებით გათვალისწინებული სასაქონლო-მატერიალური ფასეულობების მიწოდებისათვის, ხელშეკრულების პირობების შესაბამისად.

5.4.2 შემსყიდველი ვალდებულია საკუთარი ხარჯით განახორციელოს მიმწოდებლის მიერ მიწოდებული სასაქონლო-მატერიალური ფასეულობების საბაჟო წმენდა.

6. გარანტია

6.1 მიმწოდებელი იძლევა გარანტიას, რომ მიწოდებული სასაქონლო-მატერიალური ფასეულობები არიან ახალი, ხარისხიანი და სრულად შეესაბამებიან ხელშეკრულების მოთხოვნებს. საქონელზე ვრცელდება 3 (სამი) წლიანი გარანტია და მისი ათვლა იწყება შემსყიდველის საწყობში საქონლის მიწოდებისა და მხარეთა მიერ მიღება-ჩაბარების აქტის ხელმოწერის დღიდან.

6.2 მიმწოდებელი კისრულობს ვალდებულებას, საგარანტიო პერიოდის განმავლობაში საკუთარი ხარჯებით აღმოფხვრას ნაკლი ან შეცვალოს დეფექტური სასაქონლო-მატერიალური ფასეულობა ახლით შემსყიდველის მხრიდან აღნიშნულის შესახებ წერილობითი შეტყობინების გამოგზავნიდან (ორმხრივი აქტი სასაქონლო-მატერიალური ფასეულობების დეფექტაციის შესახებ) -----
კალენდარული დღის ვადაში.

7. ანგარიშსწორება

7.1. ანგარიშსწორება წარმოებს მიმწოდებლის მიერ სასაქონლო-მატერიალური ფასეულობების მიწოდების მიხედვით, მიღება-ჩაბარების აქტის, ინვოისის და საერთაშორისო სასაქონლო-სატრანსპორტო ზედნადების საფუძველზე.

7.2 ანგარიშსწორება წარმოებს უნაღდო ფორმით ლარებში, მიმწოდებლის მიერ მითითებულ საბანკო ანგარიშზე თანხის გადარიცხვით, მიმწოდებლის მიერ მთლიანი დოკუმენტაციის (ინვოისი, შეფუთვის ფურცელი, ISO-ს, წარმოშობის სერტიფიკატები, საერთაშორისო სასაქონლო-სატრანსპორტო ზედნადები და ორმხრივად დამოწმებული მიღება-ჩაბარების აქტი) წარმოდგენიდან 20 კალენდარული დღის ვადაში, ხოლო თუ გადახდის თარიღი ემთხვევა გამოსასვლელ დღეს, გადახდა წარმოებს გამოსასვლელი დღის შემდეგ პირველივე სამუშაო დღეს.

8. ხელშეკრულებაში ცვლილებების შეტანა

8.1 ორივე მხარის მიერ ხელმოწერილი წერილობითი შესწორებების გარდა ხელშეკრულებაში არ დაიშვება არავითარი გადახრა ან ცვლილება.

8.2 თუ რაიმე წინასწარ გაუთვალისწინებელი მიზეზების გამო წარმოიქმნება ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8.4 ხელშეკრულების საერთო ფასის ცვლილება დასაშვებია მხოლოდ შემსყიდველის საჭიროებიდან გამომდინარე დამატებითი საქონლის შესყიდვის დროს.

9. მხარეთა პასუხისმგებლობა

9.1 წინამდებარე ხელშეკრულებით გათვალისწინებული სასაქონლო-მატერიალური ფასეულობების მიწოდების ვადების დარღვევის შემთხვევაში, მიმწოდებელი ვალდებულია პირგასამტეხლოს სახით, ყოველ ვადაგადაცილებულ დღეზე, გადაუხადოს შემსყიდველს ვადაში მიუწოდებელი ან დაგვიანებით მიწოდებული სასაქონლო-მატერიალური ფასეულობის ღირებულების 0,1 პროცენტი.

9.2 მხარეები თანხმდებიან, რომ თუ მიმწოდებელი დაარღვევს წინამდებარე ხელშეკრულებით დადგენილ მოწოდების ვადას 14 დღით ან/და უარს იტყვის ნაკისრი ვალდებულებების შესრულებაზე, შემსყიდველი უფლებამოსილია მოშალოს ხელშეკრულება და ვადაგადაცილებულ დღეებზე დარიცხულ პირგასამტეხლოსთან ერთად დააკისროს მიმწოდებელს მიუწოდებელი სასაქონლო-მატერიალური ფასეულობის ღირებულების 10 (ათი) პროცენტის ოდენობის ჯარიმის

გადახდა, და აგრეთვე ამავე მიზნით აამოქმედოს ხელშეკრულების უზრუნველყოფის გარანტია.

9.3 იმ შემთხვევაში თუ არ მოხდა ხელშეკრულების შეწყვეტა, პირგასამტეხლოს გადახდა არ ანთავისუფლებს მიმწოდებელს ნაკისრი ვალდებულების შესრულებისაგან.

9.4 წინამდებარე ხელშეკრულების მე-3 მუხლის 3.5 და მე-6 მუხლის 6.2 პუნქტებით დადგენილი ვადების დარღვევისათვის მიმწოდებელი ვალდებულია ყოველ ვადაგადაცილებულ დღეზე გადაიხადოს ხელშეკრულების საერთო ღირებულების 0.1 პროცენტის ოდენობის პირგასამტეხლო.

9.5 გადახდის ვადის გადაცილებისათვის მიმწოდებელი უფლებამოსილია ყოველ ვადაგადაცილებულ დღეზე დააკისროს შემსყიდველს გადასახდელი თანხის 0.1 პროცენტის გადახდა.

9.6. შემსყიდველი უფლებამოსილია მიწოდებული სასაქონლო-მატერიალური ფასეულობების ღირებულების ანაზღაურებისას გამოქვეითოს (შეამციროს ანაზღაურება) ამ მუხლით გათვალისწინებული და მიმწოდებლისთვის დარიცხული პირგასამტეხლოსა და ჯარიმის თანხა.

10. ხელშეკრულების შეწყვეტა მისი პირობების შეუსრულებლობის გამო

10.1 წინამდებარე ხელშეკრულების მე-9 მუხლით გათვალისწინებული შემთხვევების გარდა, შემსყიდველი უფლებამოსილია შეწყვიტოს ხელშეკრულება, ვალდებულებების შეუსრულებლობის შესახებ მიმწოდებლის წერილობითი შეტყობინების შემდეგ:

10.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთლიანი საქონელი;

10.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

10.1.3 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.1.4 მიმწოდებლის გაკოტრების შემთხვევაში.

10.2 ხელშეკრულების შეწყვეტის შემთხვევაში, შემსყიდველი ვალდებული არ არის გადაუხადოს მიმწოდებელს რაიმე თანხა გარდა იმ თანხისა, რომელიც მან მიმწოდებელს უნდა გადაუხადოს ხელშეკრულების შეწყვეტის თარიღის ჩათვლით მიწოდებული

სასაქონლო-მატერიალური ფასეულობისათვის (ასეთის არსებობის შემთხვევაში), რაც დადასტურებული იქნება მიღება-ჩაბარების აქტებით. 10.3 საქართველოს კანონმდებლობით გათვალისწინებულ სხვა შემთხვევებში.

11. ფორს-მაჟორი

11.1 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან, და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, და სხვა.

11.2 ფორს-მაჟორული გარემოებების დადგომის შემთხვევაში, ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც თავისუფალი იქნებიან ფორს-მაჟორული გარემოებების ზეგავლენისაგან.

12. დავების გადაწყვეტა

12.1 წინამდებარე ხელშეკრულების დარღვევისათვის მხარეები პასუხს აგებენ წინამდებარე ხელშეკრულებითა და საქართველოს კანონმდებლობით დადგენილი წესით.

12.2 წინამდებარე ხელშეკრულების საფუძველზე წარმოქმნილი ნებისმიერი დავა წყდება ურთიერთმოლაპარაკების გზით, წინააღმდეგ შემთხვევაში, დავას განიხილავს საქართველოს საერთო სასამართლოები.

13. დასკვნითი დებულებები

13.1 ხელშეკრულება ძალაში შედის მისი ხელმოწერის დღეს და მოქმედებს მხარეთა მიერ ნაკისრი ვალდებულებების საბოლოო შესრულებამდე.

13.2 წინამდებარე ხელშეკრულებაში ნებისმიერი სახის ცვლილებები და დამატებები ძალაში შედის მხარეების მიერ სათანადოდ უფლებამოსილი წარმომადგენლების მიერ ხელმოწერის დღიდან.

13.3 ურთიერთობები, რომლებიც არ არის რეგლამენტირებული წინამდებარე ხელშეკრულებით, რეგულირდება საქართველოს მოქმედი კანონმდებლობით დადგენილი წესის თანახმად.

13.4 ხელშეკრულება შედგენილია თანაბარი ძალის მქონე ორი ეგზემპლარად, ქართულ და რუსულ ენებზე, და გადაეცემა მხარეებს.

13.5 ხელშეკრულების ტექსტში შეუსაბამობის აღმოჩენის შემთხვევაში, უპირატესობა ენიჭება რუსულ ენაზე შედგენილ ტექსტს.

მხარეთა რეკვიზიტები:

შემსყიდველი: სს “თელასი”

ქ. თბილისი, ვანის ქ. N3

ტელ: +995 32 225 52 11

ფაქსი: +995 32 277 99 81

ს/კ: 202052580

ბანკი: TBCBGE22

ა/ა: GE11TB1100000017467564

სერგეი კობცევი

გენერალური დირექტორი